

ուսումնասիրությունը հալ երաժշտագիտության պատմության մեջ մի նոր էջ բաց արեց:

Լավ է այդ մեծածավալ գրքի (40 տպագրական մամուլ) շարադրությունը: Մտքերի և կոտուցվածքի հստակության, հակիրճ լեզվի շնորհիվ այդ բարդ աշխատությունը, որը կարող է պարզապես ուսումնասիրվել, կարգացվում է համեմատաբար հեշտ (մասնաշտրտապես նրա առաջին մասը):

Աշխատությունը միաժամանակ գրված է սիրով, ճանաչողական մեծ հետաքրքրությամբ: Ձգացվում է, որ հեղինակն իր ամբողջ պրպտուն միտքը ներդրել է այդ ուսումնասիրության մեջ:

Աշխատության հրապարակ զալը նշանակալից երևույթ է սովետական երաժշտագիտության ասպարեզում: Այդ մոնումենտալ ուսումնասիրությունը թափանցեց հալ երաժշտության պատմության և տեսության այնպիսի գիտական խորքերը, որոնք մինչև այժմ անանցանելի էին: Հալ մոնոգրաֆի պատմատեսական բազմաթիվ հարցերը մշակող և ընդհանրացնող այդ աշխատությունը հնարավորություն է տալիս ըստ ամենայնի ընկալելու հալ ազգային ժողովրդական երաժշտական հարուստ մշակույթի հրաշալի գոհարները, գիտակցված և տեսականորեն հիմնավորված, նրանցում առկա լուրջորինակ և ինքնատիպ հատկանիշների ճանաչմամբ:

Վերջում չենք կարող չնշել արվեստագիտության թեկնածու Ռ. Տոթյանի մեծ և շնորհակալ աշխատանքը, որ նա կատարել է որպես գրախոսվող աշխատության խմբագիր:

Մ. Ա. ԲՐՈՒՏՅԱՆ.

ՇԵՏԱԶՈՏՈՒԹՅՈՒՆ ՇԻՊՈԹԵԶԻ ՄԱՍԻՆ

Աշխարհի իմացության, օբյեկտիվ ճշմարտության իմացության դիալեկտիկական պրոցեսի առանձին օղակների հետազոտությունն ունի գիտական ու գործնական անվիճելի արժեք, քանի որ այն խորացնում է մեր գիտելիքները մեր իսկ մտածողության մասին և հնարավորություն ստեղծում գիտակցականորեն գործադրել մտքի ձևերը և ըստ կարելիության խուսափել սխալներից:

Իմացության պրոցեսի այդպիսի կարևոր օղակներից մեկը հիպոթեզն է: Բացահայտելով հիպոթեզի նշանակությունը, էնգելսը գրում էր, որ «բնագիտության զարգացման ձևը, որքանով որ այն մտածում է, հիպոթեզն է հանդիսանում» (Բնության դիալեկտիկա, Երևան, 1957, էջ 247): Էնգելսն այնուհետև նշում է, որ նոր փաստերի հայտնագործումը մարդկային գատողությունից պահանջում է բացատրության նոր եղանակներ, սկզբում միայն սահմանափակ փաստերի ու դիտողությունների վրա հիմնված հավանական գիտական ենթադրություններ, այսինքն՝ հիպոթեզներ, որոնք հետագայում ավելի ու ավելի խորանալով հասցնում են օրենքի իմացությանը: Իմացության այդպիսի օղակը իրենից անհրաժեշտություն է ներկայացնում, որովհետև «եթե մենք ցանկանալինք սպասել մինչև որ նյութը հստակ տեսնով պատրաստ լինի օրենքի համար, ապա դա կնշանակեր մինչև այդ ժամանակ դադարեցնել մտածողական հետազոտությունը, և հենց միայն այդ պատճառով մենք երբեք էլ օրենք չէինք ստանալ» (նույն տեղում):

Էնգելսի այս խորիմաստ դրույթները ելակետ են հանդիսացել փիլիսոփա-

յական գիտությունների թեկնածու Հ. Ա. Գևորգյանի «Հիպոթեզը և նրա դերը գիտության մեջ» հետազոտության համար, որը վերջերս լույս ընծայվեց ՀՍՍՌ Գիտությունների ակադեմիայի հրատարակչության կողմից²:

Նշված աշխատության մեջ տրվում է հարցի ամբողջական ուսումնասիրությունը՝ հիպոթեզը քննարկվում է թե՛ որպես իմացության օղակ և թե՛ որպես մտածողության ձև, ընդ որում այդ արվում է ոչ թե իրարից անջատ, այլ միասնության մեջ: Պարզաբանելով հիպոթեզի նպատակը, հեղինակը վկայակոչում է տրամաբանական գրականության մեջ հիպոթեզի հայտնի սահմանումները և հակիրճ վերլուծում դրանք: Այդ վերլուծությունից ակնհայտ է դառնում հայտնի մի շարք սահմանումների, մասնավորապես հիպոթեզը որպես «ենթադրություն պատճառի մասին» սահմանման անբավարարությունը: Գիտության մեջ լայն ճանաչում գտած մի շարք հիպոթեզների ուսումնասիրությունը ցույց է տալիս, որ հիպոթեզի հասկացությունն ավելի լայն է, ուստի ճիշտ է հեղինակը, երբ գրում է. «Հիպոթեզը գիտական հավանական տեսություն է, որի մեջ բխեցված է հիմնավորված է գիտական ենթադրություն փորձից հայտնի երևույթների հիմքում ընկած օրինաչափ կարգի կամ փաստի մասին: Ընդ որում ներկայումս թեպետև բավարար հիմքեր չկան այդ ենթադրությունն անվերապահորեն ապացուցելու համար, բայց նրա ընդունման շնորհիվ լրացատրելի են դառնում փորձից հայտնի երևույթները» (նշված աշխատության էջ 20—21):

Հեղինակն ուսումնասիրում է հիպոթեզը նախ որպես մտքի ձև և այդ իսկ առումով հանգամանորեն կանգ առնում նրա կառուցման ընթացքի և ըստ տրամաբանական կառուցվածքի դասակարգման վրա: Ինչպես նշվում է, հիպոթեզի կառուցումը, որպես կանոն, անցնում է երեք փուլ. 1. տվյալ քննադավառի վերաբերող փաստերի հնարավորին չափ լրիվ ուսումնասիրությունը, 2. գիտական ենթադրության ձևակերպումը և 3. արված ենթադրության գիտական արժեքի հիմնավորումը: Հիպոթեզի կառուցման ընթացքի լուսաբանման համար հեղինակը վերլուծում է Դարվինի էվոլյուցիոն տեսության ստեղծման պրոցեսը: Սա ոչ միայն հաջող վերցրված օրինակ է, այլև բնորոշում է հետազոտության բնույթն ընդհանրապես, որովհետև Դարվինի տեսությունը բնագիտության մեջ դիալեկտիկական մտածողության կիրառման փայլուն նմուշ է: Այսպիսի ճիշտ բնորոշության շնորհիվ հեղինակը կարողացել է ցույց տալ, որ հիպոթեզի կառուցման պրոցեսը դիալեկտիկական պրոցես է:

Աշխատության մեջ լուսաբանվում են ինչպես հիպոթեզի հաստատման պրոցեսը, այնպես էլ գիտելիքների առանձին ճյուղերում հիպոթեզների կիրառման յուրահատկությունները: Վերջինս առանձին հետաքրքրություն է ներկայացնում, որովհետև որոշակի տարբերություն կա գիտության փորձարարական (էքսպերիմենտալ) և տեսական մասնաճյուղերում հիպոթեզների կիրառման մեջ՝ ինչպես նրանց կառուցման, այնպես էլ և հաստատման տեսակետից: Հեղինակը կարողացել է հստակ ցույց տալ, թե ինչպիսի տեղ են գրավում հիպոթեզները մեր իմացության սիստեմում, թե ինչպես առանձին գիտական հավանական ենթադրություններից մարդկային միտքը կառուցում է հիպոթեզների հոյակապ շենք, որտեղ նրանք, աստիճանաբար ճշտվելով, իրենց հերթին հիմք են հանդիսանում նոր ու նոր հարկերի կառուցման համար: Եվ, ինչպես րրավաքիորեն նշում է հեղինակը, այն հանգամանքը, որ մեր գիտելիքների մի

Հ. Ա. Գևորգյան, հիպոթեզը և նրա դերը գիտության մեջ, 1959, 120 էջ:

խոշոր մասը կազմում են հիպոթեզները և այնպիսի տեսությունները, որոնց հիմքում ընկած են հիպոթեզներ, ամենևին էլ չի արժեզրկում գիտությունը: «Եթե նույնիսկ այս կամ այն հիպոթեզը սխալ է դուրս գալիս, ժխտվում է, — նշում է հեղինակը, — ապա նրա վրա կառուցված տեսությունների շենքը հիմնովին չի փլուզվում: Այդ շենքից ոչ թե առանձին բեկորներ, այլև հաճախ ամբողջ կառուցումներ մնում են և, որպես տեսական մտքի անվիճելի նվաճումներ, դառնում են գիտության հետագա տեսությունների բաղկացուցիչ մասը» (էջ 95):

Հետաքրքիր են աշխատության «Աշխարհայացք և հիպոթեզ» բաժնում արժարժիված հարցերը: Զարգացնելով երկրորդ գլխում փաստելով համառոտակի հիմնավորված այն միտքը, որ «տվյալ ժամանակում տիրապետող գաղափարական-մեթոդոլոգիական տեսակետները իրենց արտացոլումն են գտնում գիտելիքների համարյա բոլոր բնագավառներում կառուցվող հիպոթեզներում», հեղինակը ցույց է տալիս հիպոթեզի և ընդհանրապես ճշմարտության ըմբռնման հարցում մատերիալիզմի և իդեալիզմի հակադրությունը և բացահայտում իդեալիզմի բոլոր տարբերակների ու նրանց վրա հենվող տեսությունների լիակատար սնանկությունը: Հեղինակը ոչ թե սոսկ քննադատում է իդեալիստական ըմբռնումը, այլ գիտականորեն հերքում հատկապես արդի իդեալիստների (Ռասելի, Այլերի և այլոց) տեսակետները: Ինչպես բացահայտել ևս Ֆ. Էնգելսը և հատկապես Վ. Ի. Լենինը իր «Մատերիալիզմ և էմպիրիոկրիտիցիզմ» հանձարեղ աշխատության մեջ, օբյեկտիվ ճշմարտության իմացության պրոցեսը իդեալիստիկական պրոցես է, որի ընթացքում մեր գիտելիքները, արտացոլելով շրջապատող աշխարհը, կանգնած չեն միևնույն կետի վրա, այլ անվերջ լրացվում և հետզհետե ավելի խորն են արտացոլում շրջապատող աշխարհի երեվույթների ու պրոցեսների էությունը և դրանով իսկ անվերջ մոտենում բացարձակ ճշմարտությանը: Դրա հետ միասին պետք է նշել, որ մեր գիտելիքները, «ժողոված լինելով հարաբերականությամբ, ամենևին էլ բացարձակորեն հարաբերական, պայմանական, հիպոթետիկ (սոսկ հավանական) չեն, ինչպես հաստատվում են անցյալ և արդի ուլյատիվիստները, այլ պարունակում են բացարձակ ճշմարտության, աշխարհի սպառիչ իմացության հատիկներ:

Նորագույն ագնոստիցիզմը տեսնում է միայն մեր գիտելիքների մեջ եղած հարաբերականության մոմենտը և, բացարձակացնելով այդ, ժխտում է բացարձակ ճշմարտության մոմենտը, հանգելով նաև օբյեկտիվ ճշմարտության ժխտմանը: Ինչպես ցույց է տրվում աշխատության մեջ, նորագույն ագնոստիցիզմը անտեսում է մեր գիտելիքների մեջ եղած բացարձակ ճշմարտության մոմենտը, վերցնում է դրանց միայն հարաբերականությունը և դրանք՝ որպես միմիայն հարաբերական ճշմարտություններ, նույնացնում է հավանական գիտելիքների հետ, մեր ամբողջ իմացությունը համարելով հիպոթետիկ: Այստեղ գիտակցարար նույնացվում են երկու տարրեր կատեգորիաներ՝ հարաբերականն ու հավանականը: Հեղինակը որոշակիորեն ցույց է տալիս, որ երբ խոսքը հավանականության և հավաստիության մասին է, ապա քննարկման տեսանկյունը այլ է, քան հարաբերական և բացարձակ ճշմարտության փոխհարաբերության հարցում: Այստեղ պետք է վերցնել զարգացման մի այլ գիծ՝ կոռուցում — հավանական տեսություն (այն է՝ հիպոթեզ) — հավաստի տեսություն (այն է՝ օբյեկտիվ ճշմարտություն): Դիշտ է հեղինակի այն պնդումը, որ «հավանական գիտելիքը չի կարելի նույնացնել հարաբերական գիտելիքի հետ, որովհետև

միայն և միայն հարաբերականությամբ օժտված գիտելիքներ չկան: Այնինչ հավաստի գիտելիքը՝ որպես օբյեկտիվ ճշմարտություն, իր մեջ պարունակում է հարաբերականության և բացարձակության դիալեկտիկան» (էջ 116):

Հարցի տեսական շարադրանքը աշխատության մեջ զուգակցվում է հարուստ փաստական նյութի՝ գիտության մեջ հայտնի մի շարք հիպոթեզների վերլուծությամբ: Ընդ որում հասարակագիտության, պատմության, ֆիզիկայի, քիմիայի, մաթեմատիկայի, աստղագիտության, կենսաբանության և գիտության այլ բնագավառներից շարադրանքի մեջ օգտագործված հիպոթեզները չեն դարձել օրինակների գումար, այլ համակցվել են մի ամբողջության մեջ, ցույց տալով հիպոթեզի և գիտական կանխատեսման համապարփակ կիրառումը գիտության մեջ ընդհանրապես:

Մի քանի խոսք հիպոթեզի կառուցման մասին աշխատության մեջ արձարծված սխեմայի մասին: Այդ հարցին նվիրված գլխում հեղինակը նշում է, որ հիպոթեզի կառուցումն սկսվում է տվյալ բնագավառին վերաբերող փաստերի հնարավորին չափ լրիվ ուսումնասիրությունից, իսկ վերջինս ընդգրկում է՝ ա) մինչ այդ գիտության կուտակած փաստական նյութը և բ) հիպոթեզի կառուցման ժամանակ կատարվող անմիջական դիտումները: Ընդ որում, այս փորձնական նյութն է ցույց տալիս, որ բացատրության հին եղանակները բավարար չեն, և խթանում է միտքը՝ որոնելու նոր բացատրություն: Սրանից հետո հեղինակը որպես հաջորդ փուլ նշում է գիտական ենթադրության ձևակերպումը:

Այստեղ, մեր կարծիքով, միտքն ընթանում է մի փոքր այլ կերպ՝ եղած փաստերի կամ նորահայտ փաստերի հիման վրա նախնական կոահում է կատարվում, ապա նոր միայն նպատակադիր ուսումնասիրվում են փաստերը, կատարվում են, նույնպես նպատակադիր, անմիջական դիտումներ, և դրանից հետո միայն ձևակերպվում է գիտական ենթադրությունը: Այսպիսի մոտեցման անհրաժեշտությունը բխում է հենց աշխատության հետագա շարադրանքից:

Չնայած մասնակի մանր թերություններին, «Հիպոթեզը և նրա գերը գիտության մեջ» աշխատությունը շատ հարցերում խնքնություն և դիտական տեսակետից արժեք ներկայացնող աշխատություն է:

Մ. Մ. ՄԵԼԻՔՅԱՆ